

鬼谷子天籟靈文卷下

漢

鬼谷子天髓靈文卷下

薄六

混天移地法

凡有此書者欲要行者先須積行三年積成齋戒香湯沐浴用雷驚棗木栽成十二信印秘於正月一日子時置壇白茅鋪地鹿脯香

茶酒果燈燭各十二分天菴蒲地酒奶泉也離

壇傍伴勿語向天門上道不許人知見於寂靜無人處置祭物披頭仗劍請聖默念呪曰

唵護勾那涯查真武咸麻薩薄陀衍哆顯願

叱願叱鳴金希希吐吐七遍

跣足嚼舌噴血向天門將印稱香度過跪坐  
持刀開十二信印畢香洗過各置祭物依前  
念呪七遍跣足嚼舌噴血天門上左手持天  
信印向天門上印一印言道速疾當有黑風  
從天門上起有戈甲之聲內忽見頂天上地

薄六

神人手持鎗銳刺其本身忽現龍虎之形舞  
爪張牙奔自身來披心勿驚低頭持護身真  
言自然去矣護身真言曰

速降吉祥吾今敢當衝吾者死害吾者亡吾  
降正法上聖皆降急急如律令

虔誠念呪靜勿懼少時變化紫雲壇畔上酒  
香跪拜受法自有王者上聖來至自然善降  
清心信禮祭畢至明將祭物自食飲餘者隨  
東流水去之亦勿人見其印方二寸四分厚  
六分錦袋盛之勿離其身勿觸穢犯天髓靈

文經十二印信訣

天信印地信印人信印龍信印虎信印雲信  
印風信印金信印木信印水信印火信印土  
信印凡此十二印應用之使勿得交雜則  
應神機知此文者不脫身殼免離六道悟入

仙鄉凡有災難不測之禍病患臨危用香烟  
度過持念一遍應時消散回凶就吉除災去  
難

天信印



此印能開使用迴天住日留月變晝作夜夏  
雪冬雷遊日看月隨意而成將左手恰乾亥  
用右手執印天門上印一印向震天門則仙

女下降問其所願者皆成若欲日月宮遊翫  
先將雲信印靜沐浴鋪淨蓆用雲信印印之  
起雲乘空至月宮將天信印印開月宮看月  
仙童捧持欲迴印地若要變晝作夜將印  
用水盆中印日其日便沉作夜若要住日用  
竹杖豎仰照日不敢動要沒取印將印天南  
角即夏月降雪要住收印若要冬月雷聲印  
天心即雷震地

地信印



此印能動地推山竭海伏鬼降神開山建河  
成溝斷澗隨意皆成若要地震將印印地戶  
上其地震動欲止將印印天罡上即不震將

薄六

三

印印山山推印海海竭印鬼神鬼神告求龍  
虎降伏若要山開將印印山路立開自有山  
神引路若灾危厄難將印大道寫水字中心  
則變江河萬人不敢過若欲成溝澗將印印  
十字道印成萬文溝澗也

人信印

靈萬勝寶




此印能行兵用人決勝無窮千變萬化動使  
草木金石皆化人形隱異體隨意而入凡欲  
臨軍用人若逢林木將印印林首樹巽水一  
口喝變其林皆盡成人各持戈甲若要隱形  
持淨草七枝面向門持印先踏七星步萬人  
皆隱不能見形若有急難將印頭為老翁印

足為童子印腰為婦人印面成走獸印膊成飛鳥隨形皆化印背成林木印背成大石皆須用水成而若要入石木土將印之隨意所入將諸物持印噴水即見其無淨潔忌牽隨身帶水

七星禹步

後天八卦巽為地戶坤為人門乾為天門艮為鬼路



龍信印 降龍寶



薄六

此印能降龍乘駕異物成龍騰雲入霧蛇蟲變化一印皆成吞雲吐霧凡要變龍將白練三尺亦印頭尾中心書龍字噴水一口喝變三聲主化成龍騎跨任意欲要止印地凡要追海獸將印印水面其龍獸出水面上驅使



任意若要自己變龍時將印印心上喫水三口言變三聲立化成龍乘雲吐霧千里之外將印諸物色噴水要成大蛇書蛇字要成龍書龍字皆噴水持印隨意皆成

虎信印

伏虎寶



此印能伏虎殺虎便降伏一切虎豹狼蟲山中異獸兼有殺虎符有禁山術中全一卷內

若要山中猛虎食人喚樵夫時將朱印絹上  
於山林樹上貼之其虎伏於樹下其虎不敢  
動移也欲要殺時印於鐵板上埋枯樹下若  
要追虎時將印印桃板上青袋盛佩帶其虎  
自追隨相就如羊若山路遠行將印印大石  
上其山滅迹無虎狼遠去千里之外也若要  
自己變虎時將印印背上噴水變立成虎風  
生虎

雲信靈印 起雲寶



此印能起雲登空解生五色祥雲駕雲昇天  
遊日看月去住自然往來得此印遍巡四大  
神州若有得此印法將印印之足下雲生遍  
地欲要乘駕雲復印雲上起一印起一丈二  
印二丈欲落將印印上自下欲上天看月精  
誠齋戒香湯沐浴將印印地生雲起至月先  
用開天門印如天雨不止欲生五色祥雲用  
青布上硃書五方金木水火土用印字上五

方生五色祥雲

風信靈印

生風寶



此印能萬里生威風行軍過舟起寨迎敵吹沙起石隨機而應用昏天暗地擬印時行迴風印則凡若遇敵用瓦碗一隻用硃砂書速生風三字隨向擲空處用印照之其風速至摧山折木也若渡水過船用其風勢亦如前

用若欲昏天暗地用上件法向鬼門用印照  
之黑風立起不辯晝夜若值逆風迴避將印  
迎風碗書迴字向空擲去印則迴

金信靈印 碎劍寶



此印能梯金要鐵印白刃不能傷斷劍折鎗  
一切刀斧無害彫弓朱弩到身而迴不損纖  
毫若臨兵陣欲敵相持印用硃砂印於白練

上七顆向陣燒灰用一碗淨水攪印灰向陣  
 噴之及兵左膊各一印去敵即如綿刃不能  
 及折一切箭矢至身則盡迴如要驗時用雞  
 五箇籠裏算定內有一隻雞翅底暗帶一顆  
 用迴以箭射雞其帶印者不損分毫神驗

薄六

六

木信印  
 返木寶



此印能生一切草木及乘駕空中能使用木

禽木獸搬糧運草凡駕乘枋木用印印兩頭  
噴水念疾字如枋起空欲住處喝住若圍軍  
陣困兵無糧將木做造一飛鳥形像付印肚  
上其飛禽去軍陣帶糧往來用水依前建高  
堂大宅亦依前周夜行之如畫勿泄漏之

薄六

七

水信靈印  
泛波寶



此印善變水溢江興雲致雨連井移河渡海

乘波隨而所願若求波浪祭水宰白馬帶駒  
者向北祭用印印鐵劄上投江河中不移少  
時雷震降大波濤若值大江河欲過將印印  
於履若建井迴河將印印地面上其水自至  
矣

火信靈印  
列賜寶



此印能發萬里火灰木燒山焚營燬寨燬火

火炎起烟衮海煎波凡用火印夜行之若起  
萬里火將印印南方丙上取氣吹印上向方  
位照之其火從印中出焚蕩無涯欲滅水印  
救之欲焚舍室草木用印印青紙上累圓石  
人投擲於室上火發無救若避難逃形將印

印山大石立成火山也

土信印

長春寶





此印能生一切草五穀菓實瓜菜能印土成  
金變石作玉入土印印地將五穀種之噴水  
一口生二口長三口成形像四口結實五口  
熟若要種諸菓木亦噴水一印水一口生七  
尺七口水印成如前法用印印石成玉印土  
成金印枯木生芽印樹冬月開花發隱地入  
玉無不在也

薄六

此書天之祕文出世離凡之妙法若修仙求  
道之士知此文者奪一紀年功燒金鍊藥無  
不成就凡行天髓靈經須精誠齋戒斷五辛

除六害積脫塵之福行修真之功德勿輕視  
靈文已汙穢觸犯禍及身矣若傳下士罪深  
無疆萬金不傳之秘也

天髓治國安邦章

此書能治國安邦馳名遍世無窮自在千變  
萬化出入無撒豆成兵撒草成馬一夫法  
敵百人起風雲攘氣色變晝作夜迴風住雨  
續骨接筋驅一切鬼神常握乾坤都於目下  
若要離凡超

聖乃上天梯也凡欲行法積功行度衆生忌

五辛持大呪敬神祇隱凡世勿泄天機精解  
義奧堅心守志此法行能住世鬼谷子曰上  
士得之乘雲上昇中士得之鬼順神驚下士  
得之掌國權兵莫泄天機名太清真人行用  
此法先齋戒沐浴嚴潔精誠於孤靜無人處

薄六

九

五月五日七月七日三月三日應吉重日置

灰壇祭物于左

灰壇



此壇三重外方二丈四尺第三重內方一丈  
二尺於北斗下置用之五方旗子各按五方  
位用祭物置壇上鹿脯七分酒七盞食七分  
果七分燈七盞淨水七盞香花供養茅香鋪  
地更用野狐心一具老猿猴心一具野鵲心  
一具蜚鷓鴣心一具

右件四心托在壇畔斟酒上香對北斗披  
頭伏劔持呪呪曰

奉請北極大帝真武將軍速令下降助吾神

力急付壇場馨香珍味吾奉帝勅行法于世  
急急如律令虔心獻酒焚香少時有紫雲蓋  
壇雲中忽見青足勿驚祭畢時將四心用盤  
托向壇前祝曰狐心靈靈猿意清清靈知靈  
怪聽吾令行真魂勿散靈魄同生式付杵曰

勅 碎汝魂精吾今使用一一皆成急急如律令

右件祭畢雲收祭食隨東流水去之用杵  
曰將四心搗之祝曰藥靈藥靈吾奉太清  
逢人人死逢鬼鬼驚千搗千聖萬搗萬靈

立降真氣使吾上昇急急如律令持杵搗

千餘下後入藥同搗

鬼臼

半兩深者

鬼箭

半兩陳者

鬼扇

半兩斷者

鬼督郵

半兩茸者

雄黃

半兩好者

人參

半兩形者

茯苓

半兩

茯苓

半兩

麝香

半兩

薄六

十

右件搗羅為末鍊千歲松脂為丸硃砂為

衣如小彈子大如修合時並不許雞犬婦

人孝子見之觸犯著此藥飛走變化用錦

囊盛之甲子日早晨左手持一粒念咒一

遍用開心符一道調淨水吞下一粒次念

呪曰

符水清清造化身成入吾五臟助吾壽精千  
年不朽萬歲莫傾吾今祝呪換吾身形金丹  
一粒立去天廷急急如律令

開心符燒灰調服



此藥名換殼丹又名視鬼丹初服一粒雲行  
四步五臟六腑表裏通徹行汗出熱水浴之

弟二日二服似覺渾身毛竅如針刺熱痛三日下血三五升勿怪之換血臟服至七日藥行泥丸宮換腦髓頭痛如劈不可忍也服解痛引子

人參

茯苓

薄六  
石膏

赤箭

十一  
甘草

附子

木香


右件各分停為末乳香水調下二錢日進三服則止慎勿飲河水至百日任意服藥經二十七日渾身變換體輕身健眼如碧桃臉若紅蓮走如奔馬三七日心開無物

不知無書不解心開意朗眼中夜放一丈  
 光明出現十里見鬼神狀日月中烏兔心  
 如達知未來之凶禍神人自告百日功成  
 千變萬化坐在立亡隨意而用

猛獸符




通身符



若臨灾危自己要變百尺鬼神時將符書就  
 星吞之飲水喝言長百尺青身萬人皆懼也  
 右凡要變百歲翁將香水吞成皓首翁矣

老翁符



天隱符






若要隱時書就此符向日吞之即時隱矣無  
 人得見每月一度吞之

戰勝符

卷六


十二



如交敵要槍刀斧不能及將符書成四十九

道燒灰用水五七椀攪勻教軍人共飲之皆  
不損身體刀斧自斷折著身似鐵石

神兵符



若臨軍過之先用香鑪一枚須要淨水一椀  
向北用皂旗七柄鼓一面師人皂背子披頭  
念呪執筆書符想自己真武形像符成就燒  
灰嚼舌噴血并水符灰向北方振鼓搖旗教

衆軍叫聖字黑風當北方單軍兵皆成一丈  
鬼神青面黑殺將軍百萬軍不可當也有河  
莫過過則禍矣呪曰

壬癸將軍助吾威風千兵浴體立化神身逢  
山山碎遇海竭津吾奉真命不得久停急急  
如律令勅

薄六

十三

右件前符藥神呪並是精思用意勿差錯  
但是符錯呪不真藥不精則不靈矣


凡有世人命帶攀鞍驛馬將軍有權握之人  
若遇此書立國安邦功勳遍世天人可動

# 草豆法

若要撒豆爲兵斬草爲馬縱橫自在萬里蕩蕩無憂依法用兵於七月七日五月五日依前再畫灰壇香盤淨水大豆一斗二升淨草一束安於壇心披頭作呪從此夜初起念呪至五更收壇了畢每日淨室焚香持呪至四十九日臨欲行兵行住坐卧默念一遍此法立成從壇心用香度草豆呪曰  
天真敕奏驅使草豆大變神兵爲吾行營急呼速至不得久停聽吾神呪各付真形神水

一喫草變豆成急急如律令  
右件先將草豆呪香上度過念呪七遍噴  
水吾於草上言攝攝攝罷收壇持天羅  
呪四十九日持千遍每日先服起靈符一  
道後念呪畢日自驗之

起靈符



早晨硃砂書符燒灰用淨水向日吞之默念

天羅呪唵去薩佛唏唵薩佛夷霞紛紛絀絀  
叱迦呬呢耶怛姪陀羅陀羅唵嘑嘑魯嘑魯烟  
無夷鉞陀跋陀跋利囉呢曼茶嚕吽勾那唵  
持呪時先須齋戒沐浴焚香日念千遍至四  
十九日足將草一把約一百二十莖大豆一

薄六

十四

升二合於淨處將草撒於寬廣處無人之地  
試法念呪一遍披頭天符嚩水將用刀子細  
剉噴水一口喝七聲變人七尺變馬五尺用  
兵多少隨意加減如持呪至四十九日呪成  
自聞草人之聲是驗如變人將使用行戰東

勿至林西勿至金北勿至山謹正如此是真  
五形返法據凡人用之切記返禍矣急急呼急  
應若遇甲子旬呼六甲神本命日用銀錢細  
馬祭之依如軍令中要精嚴若得上卷凡百  
觸犯禁戒產婦腥血並不可害若曾習六壬  
遁甲自知逆順若要歸形將呪倒持一遍後  
念還呪一遍自成草豆還真呪曰

草豆靈靈速化本形吾今祝呪各歸太清急  
呼急至所願皆成急急如律令

呪畢喫水噴軍自不見矣若軍卒要馬但

靈神廟宇中焚香借但用緋綜綑子繫一  
紙馬脚根上如真騎用自然應用驗過夜  
依然用草喂之勿近穢污水漿傍畔壞法  
矣

### 借馬呪

薄六

十五


速仰告應靈神借龍馬足踏青雲千里渡江  
塵急急如律令勅

廟中焚香將故紙馬畢各用緋綑子繫了  
日行千里不倦過水解下過了却繫如遇  
敵若無槍刀各人持小沙石土甄瓦向陣




拋擲當有自損力加萬倍若值無糧草書  
鑠腸符燒灰向水中飲之則不飢渴力加  
十倍百日不飢馬已用之如用開腸符一  
道已如前用則無害矣但若行此之人但  
有安淨眼前藥心開自曉解一一精細驗  
用勿差互萬無一失矣

鑠腸符



開腸符



凡欲超凡出世此書神仙機長生之選路祖

父子勿傳千金勿示太玄妙術玉帝靈文焚  
香念呪鬼怕神驚人若授者得福無邊洞曉  
乾坤明達五行知陰陽逆順若傳萬載祐國  
助君保天下當有長存世不俗通能曉天之  
意善解鬼神機但得此書錦袋盛之常令供

養乃名山洞府巖穴中隱閉收藏得三五年  
有香氣出於此地靈花芝草自然生金玉成  
形凡有諸鬼崇邪魅魍魎狐狸山魃纏綿不  
去者但將此書焚香度照其諸凶禍奔走他  
鄉粉骨碎形無不應驗若有志心人傳授須

薄六

十六

齋戒良善清潔不淫精心信禮對天尊設誓  
積行救人可以傳授若傳下士庸愚禍殃九  
祖凡世之萬物惟人最靈最貴象天地五行  
造化成陰陽交感精血成就故自假合完形  
有生死上聖帝君不能此寓形宇內亦知歸

往往愚士歷歷頗周不曉造化或服金石望  
脫殼飛昇或鍊氣運用望延年住世或聽邪  
說居山絕粒然是神仙之法亦有飛昇住世  
得此者宿世靈明之胎塵外長生聖體自感  
人妙訣天降長生之術變動仙機通解聖意  
似此觀之萬中無一餘者愚人不知聖理妄  
學明人狂作聖意累劫白骨過於須彌山積  
世孤鳧北邙餓鬼又不知死限目前由望長  
生住世神仙有限可修歲遠可待古今世人  
知生不知死寄塵如盲目登山居世如夜行

涉水有悞徒學沒於苦海吾合留術於世也

### 點檢法

凡欲長生住世不死之道須知命運遠近方可修真養命去除死籍陰部無名玉策添字吾入仙鄉不死之道

薄六

十七

右點檢術先齋戒沐浴七日至三月三日未日出時執刀斧於山中採荆杖一百二十莖各長一尺二寸五色線繫之封裹東南角懸之勿得觸污又至五月五日日出時又採杜荆杖一十二莖各長一尺二

寸五色線繫之封裹於西北上勿令觸犯  
又七月七日日未出時依前採荆杖三十  
枝各長七寸五色線繫之懸在東北上不  
得觸犯又九月九日日未出時又採杜荆  
杖一十二莖五色線繫之封吊西南上勿  
令犯汚右四次將荆杖各吊方位不得交  
雜不潔勿令人知見至十二月一日夜取  
四位荆杖於淨室中供養持呪常夜不闕  
夜用紅花油燈七盞九蒸九曝燈心二十  
一莖然燈七盞香花果茶淨水各七分從

月一日夜供養荆杖常夜焚香念呪七遍  
香度荆杖呪曰

靈荆靈荆土木長成吾今嚮祭要汝知之知  
某年命現在靈荆十月則現限到無形吾今  
祝呪聽吾令行急急如律令

右從十二月一日夜起如法供養念呪七  
遍常夜不闕至十二月三十日小盡二十  
九日守至年除日五更初時燈七盞合為  
十一盞於室內無人知見獨自西北持呪  
一遍跪坐將燈向南明照一駢白璧或屏

面將先一百二十莖荆杖除當年外數手持一枝向燈其影現壁上便過再捻一枝如前至命終盡之年其荆影不現用紙筆記之次將第二次採者十二莖荆杖香上度過祝曰敢告杜荆願吾祈月如前照之

薄六

十八


至限無影亦以記之次收第三採者三十莖依前告祝至限上無影記之次取第四採者一十二莖依前祝告至限無影切記紙筆將荆杖斗下燒之將灰並獻祭並隨流水去之積功修行至限盡年月日用鬼



谷子還生法禳之死籍除名長生住世不  
記年月入仙之道與天地同畢共山河齊  
年自古達士皆行此法長生成就還生禳  
死法至限年月日前齋戒沐浴於淨室內  
鋪蓆藁二寸厚枕七寸頭南絕粒不語卧  
七日服鑠腸符至限前一日於合作墳處  
掘地深二丈四尺墓前棺擲五穀各一升  
二合放棺內至日棺內南首卧伸足至時  
都假符要五穀糝內辰下散髮右手握黃  
土一把口內含水飴一口左手恰乾亥地

字出墳向鬼門足踏七星步便去勿迴頭  
千里外陰部除名玉榜上添名世人皆見  
死矣此穰假還生法勿泄天機唐時軍人  
候獨翁得此法穰之住世九百二十七歲  
白日駕朱鶴飛昇至後諸仙經內並不載  
此術七星禹步鎖腸符並於卷前不重載  
都假神符合付於右前用手內土口中飮  
離百二十步去之無畏

都假符



右件前符用十二月絕養己身一道朱書  
展於棺內載於己形皆不見自己身死於  
此也

造化靈藥

此藥乃神異之書有通神驗聖奇術驚耳駭  
目之靈方觀其夏雪冬雷興雲致雨隱形匿  
貌變白延年有謂藥術之精微天書之玄妙  
者愚人得之樂然爾如磁石引針琥珀拾芥

河車伏汞揄耳採金陽燧取火獺膽分盃蠟  
黃聚鼠竒方豈是聖歟蓋以藥性相扶氣類  
相感使之然也此方鬼谷先生所載又兼前  
術時有驗者多乃揀去集為祕要藥術摘太  
清之玄章遂以墨子之要心搜世藥幽微乃  
術於世祕密流傳以成天髓靈經還性命若  
有其人我死未滿七日然已死未爛壞者服  
一丸者無不活矣如人患將死與一丸無不  
効以三丸納口中須臾便活口齒灌藥無不  
活有邪鬼帶一粒立去如修合先須齋戒如

健人服之延年不老名之曰

太一返魂丹

雄黃

雌黃

丹砂

各十分二分

置於生竹筒中埋地中丹砂用竹筒埋在  
南面雌黃在北雄黃在中心各一竹筒口

薄六

二十

以雲母粉塞之土三寸蓋竹筒頭上用灰  
火燒七日七夜化為水花未化再用火氣  
呵取成爲限右將三水置銅器之中夜於  
露中日出取之又下井水三尺內三水中  
入天雄末五升修養藥候紅色一九如十

二升鯉魚目大金器盛之部老松根養三  
年後以祭之而收依前秘法用之

### 驅役靈竈

凡用紙人之法須曉鬼神之機呼便自在出  
入行厨隨意東西要者之物所取皆得先通  
犯法欲死之人已前酒食思之各得其名姓  
年月日時欲赴法見一面與錢紙勸酒其犯  
法人須謝言之意便向死人道與公即曰無  
恩為公靈明故來相訪既君知意與聚竈符  
一道暗與丸拋酒中與飲之罷言汝欲命斷

歸聲而來其人知意法場對面五十步高望  
見處手執大鏡一面周圍一尺二寸明照著  
犯之人鏡面上書招冤符欲視刀過命既念  
呪呪曰奉請北方犯法之人一炁念三遍取  
炁吹於鏡內用白練裹鏡至淨室中此夜用

薄六

五

三盞香美酒食祭之於傍將鏡對燈呪曰

真冤靈明速現本形吾今嚮祭要用隨聲冤  
鬼勿散救汝還生

念畢將鏡執向以前現喚其名姓與其酒  
祭食彩畫其像咄處常以嚮祭香花供養

要使用剪紙人長以七寸呼名立至付其紙  
 人如其人使用無異壘七人可以動用驅  
 使其招魂聚魂二符令人魂魄不散為丸  
 飲之


招魂符



歸魂符



取六月一日鷺巢中雛口中蟲七枚螢火蟲  
七枚三月三日取科斗一十四枚陰乾烏卵



開破去黃留清將未投中却封了令雞抱之  
其雞叫也盛取去密器中盛之如用取一大  
豆來津唾塗於頂上夜有百尺霞光晝有紫  
雲如置藥指甲中則指物色如箭如射用蟾  
血和塗身夜作一塊火置口中唾則亦火出



六甲日造如要燒一切舍屋諸應情燒物用藥一刀圭書塗上至夜則火無救如將小石置藥少許沉在井則火生於井底水無害

要起毫象白氣

凡欲眉間現毫頂生白氣蓋乃先聖之作也

薄六

二十二

非凡俗所干今用之藥亦是受日月之精華天地之秀氣成物之餌可以造化而成故鬼谷先生留術祕之勿泄

真陽起石銖<sup>十</sup>雲母石銖<sup>七</sup>白英石銖<sup>四</sup>鉛白霜<sup>分一</sup>

海浮石<sup>錢一</sup>

右件各以溫酒洗過庚申日搗爲粉辛日  
用白蟾蜍喉下有八字一枚去腸安在中  
又海蜊蛤如蚌大者二枚磨令一合封蜜  
安在內置泉水中養七七日藥成候泉出  
白氣聚之成也如日未足封中有水再取  
拭乾用蠟固濟封口停之則自成也去海  
蛤蜊只取藥停於銀合勿透氣如欲現毫  
將藥置一麻子大用津唾塗於眉間白光  
自現毫象光輝如將一米大置茶酒中從  
盞中光起數尺置指中向日光從指中頂

上白炆置諸物亦以現光也

### 登波術

右件取五月五日黑蜘蛛十枚如至日即  
難得時可以預分布人亦使捕之至其日  
暮著一不津器中以猪脂二合在內蜘蛛

薄六

二十三

自當食脂盡至七月七日取水馬七枚水  
上長脚者是也復和上件蟲物一處於瓶  
中埋舍北陰乾百日值成日取藥置在竹  
筒中盛如江河急難取一刀圭塗足下走  
水如登大石諸經少有載者無聖二術不

同常術

啓扉術

右建日夜半子時取小兒墓上木禹步斬  
之向北削長七寸三分將五采衣密藏之  
用披頭髮以手摩門戶即自開并一切鎖  
鑰又五月五日取黑犬舌并齒陰乾以虎  
脂塗百人手持之辰行入人家不能見手  
捉犬尾不吠不咬人指卧人不能起睡人  
不覺也勿泄非人此法記耳

脫殼現形術

凡行此術者先於靜室內置坐位面前吊大鏡一面從甲子日起每日淨心對鏡中形象行住坐卧想在己身目前在真形早晨先服分神散後對鍊神行四十九日常想留一神在鏡中書現形符一道在鏡面上埋於大門

上深七尺七寸甕器中物蓋之欲起形時令將小鏡子書現形符於鏡面上吹氣一口懸於室中任意東西去住室中自有己一身或坐或卧或立收鏡自己收之他人即見見人合一身也

鍊殼分神散

蛇退皮

一條全者五枚

蟬殼

七枚全者六枚

龍骨

一兩七日

白茯苓

兩一

茯神

兩一

遠志

陸花

錢一

伏翼心


洗焙乾

右件為細末每服一錢喫藥時並不得吹

攪喫至十日覺昏沉是驗也服之四十九

日為定更不重復餘藥隨鏡埋

現形符



右件將此符硃砂書於鏡上想如已身在

鏡吹炁符上自然視現於此符絕上書時

勿觸犯云一一精誠鍊形鏡內足四十九

日要成如是不虔恪則難成矣一人分身

如前說坐卧之法坐則倚壁低吊鏡卧則

橫符立則高懸想已身之法也

異容

若人有危難不測之灾未能建法成就急速

異形遽閃一難須用此術

故笠子箇燒號丹分一白馬蹄甲燒一灰薩子花

乾陰老章鹿根兩二翼翅一對燒灰

右件六味各為細末將一半置青膽中懸

東門七十日如急夜去一核大藥用津唾

塗於面上明日妻男認不得更將前散藥

薄六

二十五

時面東調時不得睡攪喫不得吹家屬不識矣

### 知命丹

若人修真習道須知死此藥則有驗或前七

日藥鼻中出有神聖之靈

辰砂錢一錢雄黃 乳香 青木香 安心香錢一

伏神半錢遠志錢一石遠錢一草澄茄錢一人參錢一

半蓮子仁七箇太一禹餘糧一箇

右件一十二味並依州土持擇淨於甲子

日辰時不得雞犬婦人見面向東不語搗

羅為末用石蜜和成塊念三清玉帝敕三

萬遍搗三萬杵於東南井內離水一尺至

戊子日丸為雞頭大至後一旬甲子日甲

辰面東焚香念本命星官三百遍吞一九

水下並不得食五辛酒肉房色至命盡七



日前其藥從鼻中出或夢中人告之自喫藥至命盡並不染疾立坐而化祕之

此書蓋天下之玄文中髓自古及今超凡出世掌國高賢皆以得甚妙自曉天文得其至道如得此者亦非今遇蓋是宿緣莫能人視

福應無邊收者吉昌世有金玉非爲至寶有神王萬載昌祕之

鬼谷子天髓靈文卷下

